

Na osnovu člana 2.9 stav (1) tačka 2. Izbornog zakona Bosne i Hercegovine ("Službeni glasnik BiH" br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), Centralna izborna komisija Bosne i Hercegovine je na 30. sjednici, održanoj 26.06.2020. godine, donijela

INSTRUKCIJU O POSTUPANJU ORGANA ZA PROVOĐENJE IZBORA NA IZBORNI DAN U USLOVIMA EPIDEMIJE COVID-19

Član 1. (Predmet)

Ovom instrukcijom se reguliše način postupanja biračkih odbora u vezi sa uređenjem biračkog mjestu, kontrole reda na biračkom mjestu, kao i dodatne dužnosti predsjednika i članova biračkih odbora i njihovih zamjenika, te izbornih komisija osnovnih izbornih jedinica i Centralne izborne komisije Bosne i Hercegovine na izborni dan u uslovima epidemije Covid-19.

Član 2.

(Pravila na biračkom mjestu)

- (1) U uslovima iz člana 1. ove instrukcije, pored uređenja biračkog mjestu propisanog odredbama Pravilnika o provođenju izbora u Bosni i Hercegovini ("Službeni glasnik BiH", broj 25/20) se obavezno osigurava fizička distanca u skladu sa smjernicama Svjetske zdravstvene organizacije između članova biračkog odbora od minimum 1,5 m, kao i svih drugih lica koja se zateknu na biračkom mjestu, a prema shemi biračkog mesta broj 1, koja je sastavni dio ove instrukcije.
- (2) Svi članovi biračkog odbora i njihovi zamjenici tokom rada na biračkom mjestu i prilikom brojanja glasova dužni su da se pridržavaju općih mera zdravstvene zaštite uključujući redovno i temeljito pranje ruku/dezinfekcije, respiratorne higijene (pokrivanje usta i nosa kod kašljivanja ili kihanja, pravilno odlaganje korištene maramice), održavanja fizičke distance, izbjegavanje dodirivanja lica, a sve u cilju osiguranja zaštite vlastitih života i zdravlja kao i zaštite života i zdravlja birača, predstavnika političkih stranaka, posmatrača, predstavnika medija i svih drugih prisutnih na način propisan od strane nadležnih zdravstvenih ustanova i organa vlasti.
- (3) Svi članovi biračkog odbora i njihovi zamjenici tokom rada na biračkom mjestu dužni su da često Peru ruke, kao i da prilikom brojanja glasova često mijenjaju zaštitne rukavice, maske, te po mogućnosti vizire i kombinezone za jednokratnu upotrebu.
- (4) Svi članovi biračkog odbora i njihovi zamjenici koji su u skladu sa stavom (3) ovog člana dužni nositi zaštitne maske, obavezni su nositi službenu legitimaciju-akreditaciju člana odnosno zamjenika člana biračkog odbora sa jasno naznačenom dužnošću koju obavljaju.
- (5) Ukoliko postoji ograničena količina zaštitne opreme koju je svaki član biračkog odbora dužan nositi, predsjednik biračkog odbora odredit će vrstu zaštitne opreme za članove biračkog odbora koji su u najčešćem i direktnom kontaktu sa biračima kao što je kontrolor reda i sl.
- (6) Sva biračka mjesta prije otvaranja i tokom cijelog izbornog dana moraju se temeljno čistiti u redovnim intervalima, što uključuje čišćenje unutar kabina za glasanje i stolova koji se koriste za razmjenu dokumenata i izdavanje glasačkih listića.

Član 3.

(Dan prije izbornog dana)

Dan prije izbornog dana, predsjednik i članovi biračkog odbora i njihovi zamjenici u saradnji sa nadležnim organima, dužni su osigurati dezinfekciju cjelokupnog prostora biračkog mesta.

Član 4.

(Izborni dan)

- (1) Po dolasku na biračko mjesto u 06:00 sati na dan izbora predsjednik i članovi biračkog odbora i njihovi zamjenici dužni su da:
 - a) prozrače prostoriju, postave otirače za dezinfekciju obuće i izvrše dodatnu dezinfekciju biračkog mjeseta, te osiguraju dovoljnu količinu proizvoda za čišćenje prilikom upotrebe javnih toaleta;
 - b) postave stolove i stolice članova biračkog odbora i posmatrača tako da je razmak između njih minimum 1,5 m;
 - c) postave oznake kretanja birača s napomenom da na biračkom mjestu u jednom trenutku može biti samo onoliko birača koliko ima glasačkih kabina na biračkom mjestu;
 - d) postave ostala upozorenja o pridržavanju općih mera zdravstvene zaštite (plakati, letci, i sl);
 - e) obilježe prilaz biračkom mjestu tj. hodnik ispred ulaza na biračko mjesto žutom samoljepljivom trakom u razmaku od minimum 1,5 m
 - f) Po mogućnosti da usmjeravaju birače da ulaze na jedna vrata, a da izlaze na druga vrata. U slučaju da su na biračkom mjestu predviđena samo jedna vrata, predsjednik i članovi biračkog odbora i njihovi zamjenici dužni su osigurati da ta vrata ostanu otvorena, kako bi se izbjeglo dodirivanje birača prilikom ulaska i izlaska iz zgrade. U slučaju da vrata nije moguće držati otvorenim ista se moraju često otvarati.
- (2) Predsjednik biračkog odbora, zadužuje paket materijalno-tehničkih sredstava radi higijensko-epidemiološke zaštite iz Tabele koja je Prilog 3. ove instrukcije.
- (3) Mjere propisane u članu 2. ove instrukcije na odgovarajući način se primjenjuju i na rad mobilnih timova koji ujedno primjenjuju i opće mjeru zaštite života i zdravlja svih učesnika u izbornom procesu propisane od strane nadležnih državnih, entitetskih organa, kantonalnih odnosno organa Brčko distrikta Bosne i Hercegovine.

Član 5.

(Kontrola reda na biračkom mjestu)

- (1) Član biračkog odbora zadužen za kontrolu reda na biračkom mjestu, protok birača i održavanje reda na biračkom mjestu dužan je da osiguri da broj birača koji može ući na biračko mjesto u jednom trenutku odgovara broju glasačkih kabina, osim u slučaju kada se radi o biraču iz člana 5.19 Izbornog zakona Bosne i Hercegovine kojem je potrebna pomoć drugog lica.
- (2) Član biračkog odbora zadužen za kontrolu reda na biračkom mjestu dužan je osigurati da u hodniku ispred biračkog mjeseta, birači koji čekaju u redu za glasanje budu fizički distancirani jedan od drugog minimalno 1,5 metar, kao i da učini dostupnim sredstvo za dezinfekciju, kako bi birači mogli izvršiti dezinfekciju ruku prije i nakon glasanja, te da kontroliše da li se ti birači pridržavaju propisanih pravila iz člana 2. ove instrukcije.

- (3) U slučaju kada je birač došao na biračko mjesto bez propisane zaštitne opreme član biračkog odbora zadužen za održavanje reda na biračkom mjestu o istom će upozoriti birača da je dužan nositi zaštitnu opremu. U slučaju da birač ne posjeduje zaštitnu opremu ista će mu biti izdana iz zaliha koje je zadužio birački odbor.
- (4) Ispred ulaza na biračko mjesto član biračkog odbora zadužen za kontrolu reda dužan je beskontaktno izvršiti mjerjenje tjelesne temperature birača, te ukoliko ustanovi da ista povišena dužan je birača uputiti u posebnu glasačku kabinu koja će nakon izvršenog glasanja biti detaljno dezinfikovana i očišćena.

Član 6.

(Dodatne dužnosti članova biračkog odbora i njihovih zamjenika)

- (1) Predsjednik biračkog odbora ili član zadužen za kontrolu reda na biračkom mjestu će osigurati da se biračko mjesto provjerjava svakih 60 minuta tokom izbornog dana.
- (2) U slučaju potrebe za hitnom intervencijom medicinskog osoblja na biračkom mjestu, predsjednik biračkog odbora obavezan je pozvati najbližu zdravstvenu ustanovu radi pružanja hitne medicinske pomoći i postupati po uputama medicinskog osoblja, a potom odmah obavijestiti i izbornu komisiju osnovne izborne jedinice.

Član 7.

(Zapisnik o radu biračkog odbora)

Činjenicu o svim preduzetim mjerama i radnjama, kao i o svim zapažanjima o okolnostima koje su predmet ove instrukcije, predsjednik biračkog odbora je dužan unijeti u Zapisnik o radu biračkog odbora (ZARBO).

Član 8.

(Zatvaranje biračkog mjesta i brojanje glasačkih listića)

- (1) Nakon zatvaranja biračkog mjesta, a prije početka procesa brojanja glasačkih listića predsjednik biračkog odbora je dužan osigurati da se biračko mjesto prozrači, kao i da se održi fizička distanca od najmanje 1,5 m između članova biračkog odbora i između posmatrača.
- (2) Predsjednik biračkog odbora je dužan osigurati da se cijelokupni proces brojanja glasova i utvrđivanja rezultata glasanja, kao i potpisivanje zapisnika i svih obrazaca, te pakovanja izbornog materijala vrši u skladu sa propisanim mjerama zaštite života i zdravlja svih učesnika.
- (3) Radna površina predviđena za brojanje glasačkih listića će se prije početka procesa brojanja očistiti i dezinfikovati sredstvom za dezinfekciju radnih površina. Član biračkog odbora koji broji glasačke listice dužan je da svaki glasački listić podigne i pokaže ga posmatračima poštujući propisane mjeru zaštite života i zdravlja svih učesnika u ovom procesu.

Član 9.

(Dodatne dužnosti predsjednika i članova izborne komisije osnovne izborne jedinice)

- (1) Predsjednik izborne komisije osnovne izborne jedinice zadužuje paket materijalno-tehničkih sredstava radi higijensko-epidemiološke zaštite iz Tabele koja je Prilog 3. ove instrukcije.
- (2) O zaduženju paketa iz stava (1) ovog člana sačinjava se zapisnik o primopredaji materijalno-tehničkih sredstava potrebnih na biračkom mjestu radi zaštite života i zdravlja članova biračkog odbora i njihovih zamjenika, birača i posmatrača izbora (obrazac ZOMTS), koji je sastavni dio ove instrukcije.

- (3) Predsjednik i članovi izborne komisije osnovne izborne jedinice dužni su da biračkom odboru uz osjetljivi izborni materijal dostave i paket materijalno-tehničkih sredstava iz člana 4. stav (2) ove instrukcije te se primopredaja tih sredstava vrši zapisnički na obrascu ZOMTS iz stava (2) ovog člana.
- (4) Jedan paket materijalno-tehničkih sredstava iz stava (3) ovog člana zadužuje izborna komisija osnovne izborne jedinice.
- (5) Predsjednik izborne komisije osnovne izborne jedinice dužan je da osigura da prostorije za rad izborne komisije osnovne izborne jedinice budu uređene na način i uz primjenu mjera zaštite zdravlja i života članova izborne komisije, posmatrača i drugih učesnika u izbornom procesu, na način propisan ovom instrukcijom.

Član 10.

(Izvještaj)

- (1) Predsjednik izborne komisije osnovne izborne jedinice dužan je sačiniti izvještaj o iskorištenim i neiskorištenim materijalno-tehničkim sredstvima iz stava (1) člana 9. ove instrukcije najkasnije u roku od 10 dana od dana utvrđivanja rezultata glasanja na biračkom mjestu, odnosno u osnovnoj izbirnoj jedinici.
- (2) Izvještaj iz stava (1) ovog člana predsjednik izborne komisije dostavlja Centralnoj izbirnoj komisiji BiH koja će posebnom instrukcijom regulisati postupak sa neiskorištenim materijalno-tehničkim sredstvima.

Član 11.

(Dodatne dužnosti predsjednika i članova Centralne izborne komisije Bosne i Hercegovine)

- (1) Predsjednik Centralne izborne komisije Bosne i Hercegovine i članovi Centralne izborne komisije Bosne i Hercegovine dužni su osigurati da svi procesi rada unutar Sekretarijata Centralne izborne komisije Bosne i Hercegovine u sjedištu Centralne izborne komisije Bosne i Hercegovine, Glavnog centra za brojanje i skladišta Centralne izborne komisije Bosne i Hercegovine budu u skladu sa odlukama nadležnih organa i propisanim mjerama zaštite života i zdravlja svih učesnika u izbornom procesu.
- (2) Rad u Glavnem centru za brojanje je obavezno organizovati na način da se osigura fizička distanca između angažovanog osoblja u Glavnem centru za brojanje od najmanje 1,5 m.
- (3) Direktor Glavnog centra za brojanje i njegovi zamjenici dužni su osigurati da se tokom rada Glavnog centra za brojanje angažovano osoblje strogo pridržava mjeru opće zdravstvene zaštite vlastitih života i zdravlja i zaštite života i zdravlja posmatrača rada Glavnog centra za brojanje i svih drugih ovlaštenih lica prisutnih u Glavnem centru za brojanje.
- (4) Radna površina predviđena za brojanje glasačkih listića će se prije početka procesa brojanja očistiti i dezinfikovati sredstvom za dezinfekciju radnih površina. Član tima koji broji glasačke listice dužan je da svaki glasački listić podigne i pokaže ga posmatračima poštujući propisane mjeru zaštite života i zdravlja svih učesnika u ovom procesu.
- (5) Mjere propisane u članu 2. ove instrukcije na odgovarajući način se primjenjuju i na rad Glavnog centra za brojanje, skladišta Centralne izborne komisije Bosne i Hercegovine i u sjedištu Centralne izborne komisije Bosne i Hercegovine.

Član 12.
(Opće mjere)

U slučajevima koji nisu regulisani ovom instrukcijom organi za provođenje izbora dužni su da primjenjuju opće mјere zaštite života i zdravlja svih učesnika u izbornom procesu propisane od strane nadležnih državnih, entitetskih, kantonalnih, odnosno organa Brčko distrikta Bosne i Hercegovine.

Član 13.
(Sadržaj obrazaca)

Sastavni dio ove instrukcije su:

- a) Shema biračkog mјesta (Prilog broj 1.),
- b) Obrazac-Zapisnik o primopredaji materijalno-tehničkih sredstava potrebnih na biračkom mјestu radi higijensko-epidemiološke zaštite članova biračkog odbora i birača (obrazac ZOMTS) (Prilog broj 2.) i

- c) Tabela - specifikacija materijalno-tehnička sredstava radi higijensko-epidemiološke zaštite (Prilog broj 3.).

Član 14.
(Stupanje na snagu i objava)


Ova instrukcija stupa na snagu narednog dana od dana objave u "Službenom glasniku BiH", a bit će objavljena i u "Službenim novinama Federacije BiH", "Službenom glasniku RS", "Službenom glasniku Brčko distrikta BiH" i na internet-stranici Centralne izborne komisije BiH www.izbori.ba.

Broj 05-1-02-2-573-1/20

26. juna 2020. godine
Sarajevo

Predsjednica
Vanja Bjelica-Prutina, s. r.

Prilog 1. – Shema biračkog mjesto



Prilog 2.**Zapisnik****o primopredaji materijalno-tehničkih sredstava potrebnih na biračkom mjestu radi higijensko-epidemiološke zaštite članova biračkog odbora i birača**

Dana _____ primio sam paket/paketa higijensko-epidemioloških materijalno-tehničkih sredstava potrebnih na BM radi higijensko-epidemiološke zaštite članova BO i birača od _____.

Jedan paket sadrži sljedeća materijalno-tehnička sredstva i to:

1. _____
2. _____
3. _____
4. _____
5. _____
6. _____
7. _____
8. _____
9. _____
10. _____
11. _____
12. _____
13. _____
14. _____
15. _____
16. _____
17. _____
18. Ostalo _____

Paket/e predao

Paket/e primio

U _____, 2020.godine

Obrazac:ZOMTS

Prilog 3.**TABELA**

**Specifikacija materijalno-tehničkih sredstava potrebnih na biračkom mjestu radi
higijensko-epidemiološke zaštite članova biračkog odbora i birača**

1.	Sredstvo za dezinfekciju ruku-prema broju birača upisanih u izvod iz CBS	Kom. 2
2.	Sredstvo za dezinfekciju pultova	Kom. 1
3.	Sredstvo za dezinfekciju radnih površina za BM-o	Kom. 1
4.	Sapun čvrsti	Kom. 2
5.	Sapun tečni	Kom. 1
6.	Ubrus-papirni	Kom. 8
7.	Toalet papir	Kom. 20
8.	Maska za lice	Kom. 20
9.	Rukavice (četiri para po članu biračkog odbora)	Pari. 20
10.	Kombinezon za jednokratnu upotrebu (za članove BO koji su u direktnom kontaktu sa biračima)	Kom. 3
11.	Vizir (jedan po članu BO jer se isti mogu dezinfikovati)	Kom. 3
12.	Sredstvo za dezinfekciju radnih površina za glasačke kutije	Kom. 3
13.	Poster „Upozorenja na opasnost od COVID-19“	Kom. 1
14.	Poster „Pravila u vezi zdravstvene zaštite od virusa COVID-19“	Kom. 1
15.	Žuta samoljepljiva traka s natpisom „Drži odstojanje od minimum 1,5 m“	Kom. 3
16.	Kanta za odlaganje rukavica/maski i uputstva o postavljanju kante	Kom. 1
17	Beskontaktni toplomjer	Kom 1